

皇清文穎續編

皇清文穎續編卷七十一

詩

七言古詩

萬年寶祚歌

謹序

錢汝誠

皇帝壽世壽民延洪錫羨

臨御二十五年之秋恭逢

聖節大衍慶辰懷音占律式銘

皇風衢頌里謠聿徵多福

臣

嘗讀小雅天保之詩知

周之臣子所以揚美其君者曰單厚曰馘穀極
之山川升恒以明其寢昌寢熾之盛而必比壽
於南山歸本於昭受者良以天人相與之際厥
應彰灼帝王之所以承天與天之所以篤祐惟
此祉祚流行爲足徵故詩人雍容揄揚三致意
焉臣操翰才弱遠不逮周之詩人而遭遇

聖時於斯爲盛固非成周所可媲美矧臣區區祝嘏
之私悃忱所結其又安能自默於言傳曰言之

不足故長言之歌之爲言長言也用敢敬附於
長言之義冀以推本我

皇上以仁獲壽惟德致福之原於萬一庶於雅詩之

旨竊有取云 臣 汝誠謹拜手稽首而獻歌曰

由庚熙運周禪圓振美協紀方乘權日中之景紉纒
纒寶籙增算綿長春三光昭揭四序均無疆

慶節宗天申伊古闡鴻號三五賢聖君循蜚疏乞不
可紀七十二氏編錄何紛綸我

皇握鏡邁隆古孕陶虞夏甄商殷以

聖繼

聖懋

家法喬煌丹雘勤墉垣自從建極勵初政穆然敬位在德元乾隆鳳紀叶瑞應于郊用牡儼恪自治

天人歡暢威耀德茂歲歲揚輝奮景光年年粵稽尚書一篇紀享國古云惟仁者壽理不刊恭逢

天子福緒五旬敬入挺喜氣開昌辰大衍之數推策

永無旣箕疇立極中央陳弧南星朗曙見丙珠聯璧
合環斗躔太和玉燭應調燮日時暘若雨若宜涼温
秋宵絳影桂花發永日瑞莢青萸翻朱英丹旣紀符
瑞蕙莆平露寶貺合沓呈翩翩朝野愉樂美庥祉嘉
祥炳煥致此本

聖仁維

皇盛治臻上理調風選政日昃猶精勤溥施保惠豫
百族况乃勲業昭

皇天遙迨來孝注豐水屬車東指遼陽原興京之鎮
長白山推本王業所自由姜嫄有邠沮漆古淳俗

天筆一賦邠岐傳濟南父老迎

輦拜扶杖永延篤慶祈

曾孫

臣聞

天子之祥重錫類孝弟至者通神明叶垂衣秉鉞具

作述丕基遠闢洪河源先時暢武定蠻笮洗兵玉壘

澄金川華陽版籍盡荒服羽干舞陛舜德靖苗頑礪

樓移築習梯戰至今膽落南條徼外大小拜伊犁酋
長世倔强夜郎自逞西塞壩

廟謨獨運一麾靖偏師所過肅肅羅降幡偶因伐畔
度沙磧遂使渥洼天馬奮靈馳崑崙呈才騏驎盛王
道紘牛露犬何足稱奇琛

叶

花門逆豎陋螳臂旅拒

反覆徒驚奔將軍傳檄定烏紇直窮二萬餘里流沙
垠特犍角角驅隴門廣開渠利營邊屯木棉葡萄種
青野歲熟不異關中田天方制幣二十有七品往者

盡號普爾錢周郭肉好鑄寶字十千騰格交易遵同
文明堂貢篚致鞮譯四海受吏

皇威宣豐碑烜赫照太學遠過燕然劍閣銘山巔我
皇大孝觀

光烈神武直軼羲與軒鈞鈐朗朗耀紫極太平隆養
愛敬全崇稱

慈懿重典教疑祥集祐尊

璇宮

叶

愉愉怡怡侍色笑朝夕溫飭宜壽安我

皇承歡在利民斂疇錫福德廣運叶觀風不獨

命輅蓋青旗鸞輅周時巡東行泰岱上日觀俯覽左
海皆人煙金泥玉檢古來詔盛事登眺非欲誇亭云
廟室禮器煥法物

詔陳俎豆臨

孔林叶代州五臺天下勝清涼山高百丈峯嶙峋陳

詩納賈道溫洛封中繚繞生白雲升邱秩祀布脰饗
穆乎珍臺閣館坐聽

萬歲呼山靈

叶

翠華再幸江介地省方清問垂

鴻恩廣陵濤深聖湖濶仰比滂洋渥澤遠涓涓警蹕
所至賜百萬穀帛捧拜婦子皆歡顏由來

帝德重綏又大賚歲賦征徭寬四方惟正遍錫子漆
林關市捐減寧所論振窮安富足保息積貯吏詹裒
本根四民樂業慶康阜尤喜三靈清晏恬瀛寰

聖人在上百川理詎有委輸靈海騰波瀾洪流自昔

亘淮泗竹槌石菑周隄樊

經巡相度授規畫高庠櫟括無陂偏南關車避走奔
溜水臬靜樹秋濤閒榮光表燭協庥氣恍若飛星五
老翁赫游河干巍巍乎我

皇生知德日新彌綸聖智欽博聞端居念典右儒術
臨雍問道開蒲筵詞科選舉聚學海藝苑登進榮經
神石渠東觀富倚撫蒐羅遺籍博訪屋壁山椒間典
章法律備體要事續馬鄭增新篇冠婚儀目一刪訂

昭灼義類通人倫曲臺開元豈足數集成三禮經曲
論說留菁英叶象功昭德重樂律黃鍾清濁誰判分
九重韶武本方寸精通緯數調朱絃中和雅韻奏

郊

廟但覺抑揚抗墜盈耳昭清醇卽今鞞轆列傑侏殊
音異節歌吹繁遠夷慕德操風土清明廣大益足昌
宮懸五聲聽政治化洽三法訊吏民情伸人時敬授
驗分至考占星象圖真詮田夫恒業有本務每稽要

覽書耕耘農師九扈氏齊器三工官開編示種殖得
數名旂鸞典儀該洽鑒前代損益因革一一通淵津
虛懷遠聽納忠讜從官條議咸採甄翰林妙選刻細
帙經史劄子存琅玕名臣理學悉祠祀昭忠之嗣奚
舍旃景風行賞湛雨露昆吾鑄鼎酬勲賢懿鏢哉同
天行健懋

聖學幾餘廣覽六籍羅典墳鴻篇鉅製耀星日清吟
逸咏含蓀荃間披縑素妙游戲盎然生意活潑還出

造化先我

皇寓物不留物孜孜庶務勞寅虔持盈保泰戒逸豫
勅幾宥密宵旰惟乾乾

溫綸屢辭上尊號福謙益復希鴻名叶今年風雨應

節候佇登稼穡盈萬廩一莖六穗木連理百昌效順

光璘璣洪鈞一氣轉橐籥亨衢四達

壽域開蕩平輿圖蓋地徹九隩昭華延喜何足珍縱
使昆田之金首山化豈若日璽寶玉來于闐治成从

道員華祝訓行六合歸陶鈞

小臣

珥管侍

禁閤

恩光寵沐出入榮五髮昨朝有

詔江國忝文鑿彤廷稽首未獲隨冠紳五雲遙繫北

闕戀寸悃願獻

南山尊

萬年寶祚錫純嘏作歌紀盛蹈舞呈

丹宸

聖駕三巡江浙詩

金牲

欽惟

帝德彌穹蒼巍巍翼翼總八方仰察紀緯參適皇流
虹繞電徵祺祥

慈寧壽宇開重光敷仁錫類周沆茫獻琛納賚寶鬘
羌謐寧函夏恢鴻龐沿淮瀕海古維揚涵濡
雨露沐濺汪酌醴願晉

西池觴

晴巡法

祖中國常輯瑞肆觀追虞唐太歲在午日敦牂孟陬
協吉晨正房清道按列驅鸞瑤

璇宮翠葆羽衛障金根紫闕

躬扶將屬車導節臨郊場遠近翹首爭徊徨

聖明俯御羣黎望昔歲辛未荷

天慶

帝車南指聆金鏘降覃優渥

聖澤滂亦越丁丑遊舊章

重巡建業觀錢塘聲靈赫濯增煒煌今茲

三幸臨南邦霓旌照野環封疆玉峯鍾阜延龍岡吳

山會稽秦餘杭潞津直下河淮江震澤底定波泱泱

海門龕赭驅濤瀧明湖一鑑煙雲妝渙散畛畷溥且

長供儲夙戒營千坊冠山華闕開雲莊陂池敷澤繚

周壻共球大小輸梯航

帝曰弗哉毋鋪張去奢崇讓歸敦龐

軫念饑溺咨隄防決口旣塞又懷襄清濟不灌河流
黃魚鱗捍海聲春撞强弩萬鏃遺鈇鉞蜿蜒百里無
朽樁先河後海咨周詳殷宗望秩奠琮璜精誠肅祀
恭祈禳庸旌車服班圭璋蓼蕭零露花綬香玉厨醑
宴瓊分漿揆文奮武施牙幢敦營校閱排鈎鑲中林
置免干城良闢門額俊羅瑀瑒鸚鸞翮羽相和倡截
留漕粟餘困倉差量蠲貸三吳糧

帝命豫錫豐年穰引年庶老游虞庠

特賜粟帛區異糗封殖嘉穀祛莠稂園扉露漑迥枯
樟

周覽名勝鸞龍翔

宸章藻詠垂琳琅銀榜照爛金玉相璇璣珠貫凌天
杠是時靈雨隨風頽綠楊紅杏啼黃鸝暎蒼蔚百
彙昌

慈顏豫悅第祿康

皇心勿穆

恩滂洋吳歛越謳應絲篁數邀

眷顧奚所償願祝

聖母壽無量天墉雲起翳鳳凰

萬乘總轡龍騰驤來遊來歌時來臧祥飈瑞靄迴颿

檣

帝軒遵陸膺玉瓊回顧南宇徐襍祥巖巖泰山稽遂
荒服饗嘉貺時雨暘中天降神昌平鄉杏壇古檜靈
著芳

孔林親奠肆祀彰玉帛燦爛鐘鼓喤潭龍起舞東海
旁油油雲覆甘露灑從官從萃濟濟踰伯夷典禮臯
陶颺臣牲未叨扈從行珥筆紀述職所當

華蓋上蔭天闕雙七十二牖開明堂景卿紉纓萃銀
潢產祥降嘏慶未央

聖駕四巡江浙詩

趙翼

聖主行春勤

玉輅爲咨民隱殷

南顧大江南北浙東西十五年間

巡四度四度

巡還異昔時路分水陸向江湄

躬勞清問蒼龍駕別奉

慈寧畫鷁移燈火纔過正月半盧溝橋下水初泮柳
芽猶勒曉風寒麥剡暗抽殘雪渙吳儂又喜覲

君王交頌

天恩信濺汪不吝四三來撫字從知

卷之二
三
眷注重江鄉吾儕何物堪將敬絲粟不教煩百姓只
有南邦麗景饒好供

睿賞娛

慈聖試爲一一數從頭何處江山不壯遊佛土三千
香作界仙區十二玉爲樓楚尾吳頭

龍舸渡峭帆先到邗溝住二分月浸綺羅叢廿四橋
喧歌吹路瓜洲東去潤州連此地從來氣象千日湧
海門紅染浪濤翻江介碧粘天淪茗再探泉第二錫

山林壑多清閼倪迂盡意夕陽邊法藏禪心空翠裏
鄧尉梅蒸萬樹霞海浮香雪浩無涯還欣閨歲開差
曉怡待

鑿輿來正花姑蘇幾日停柔艣送者吳歛迎越舞鳴
頭綠水到杭州夾隄不斷鶯花部西湖勝蹟古來鱗
桃杏當春得氣暄南北雙高如華掌上中三竺賽祇
洄迴舟別泛秦淮水白下川原稱信美棲霞松蘂萬
株青鍾阜雲開千疊紫如此江山如此春定邀

吟賞暢祈閭雖是年時俱歷徧一回經過一回新詎
知

天子南來意豈爲韶華攬佳麗要使茅簷樂阜龐不
辭

法駕頻循視回溯從前幾度過騰黃

詔紙湛恩多訓民務在還淳樸察吏無加戒擾苛蠲
去逋錢同折券豁來滯獄好張羅異糧飽喫者年飯
解額榮增秀士科稻梁百堵棲鴻雁醪糲千軍躍鶴

鵝催賜餅金盈輦路頻頌文錦出裁舸

睿畫更垂功不朽

親歷河防籌永久開來清口刷沙深鑿到蘇山驅浪
走尺隄寧惜費千金石水不停泥六斗只今蟹舍與
魚莊蟻潰無驚年大有遙知秘笈契靈威應勒穹碑
齊响嘍海壩更著障川功

勅發官錢趣庀工甃石作塘頻徒纜牽菱輦岸擬乖
虹潮來不啣魚鹽市沙長逾增葦荻叢鴈汊人多酣

三才圖會卷之二
一五
夜睡蚶田耕穡趁春融海邊父老爭相告從此長登
衽席中

巡幸貽厓如此浹與民樂利真無極痾瘵倘已釋如
傷寧肯辛勤再

省方琴麗

霓旌今復見有加無已

心堪驗不說甘霖舊普濡重教渥霽今敷徧愷澤齋
淪加復加頻看

帳殿降黃麻

九天一片陽春腳先被燕齊百萬家

龍旂迤邐經河澗百道

恩綸難悉數早喜徐邳民氣蘇蠲除更使繁生聚蹂躪何曾及輦途堯尊醇酒滿通衢牙檣錦纜經臨處分貨全租與半租新租賜更舊租免二月絲寧煩指繭石壕夜靜不呼人茅店月明無吠犬百尺雞竿肆赦文鬼薪城旦總含欣園扉草滿皆生意貫索星高

映古雲錦贖玉軸銘功德江左衣冠多喜色進秩還
同殷昇加賜環兼慶荆弓得黎老重誇惠更叨引年
盛典幸頻邀

皇恩浩蕩當胸字又著

天家賜絹袍由來江國稱才藪七尺珊瑚張網取簇
新紅藥許題詩利市襴衫爭醉酒滲漉膚雲布獲偏
尙方不惜水衡錢口糧增給隨營卒腳帖增償截漕
船就中何事關心切河海兩防重勘歷欲覈前功計

久安更籌後效從

親覲尖山頂上覽蒼茫
增築新塘護舊塘
幻豈浮空噓蜃市
亘逾跨海駕鼉梁
斲山石不煩鞭徒易土錢
疑用斛量鐵弩無須水犀射日車
但見燭龍翔風來天外吹
寧立波蕩洋中靜不揚
儘送越航勤獻雉豈愁蓬水淺栽桑乘潮永靖靈胥怒息浪長摧海若狂
六飛更沂河之渙高堰荆橋壽愈細埽隄加厚屹山
壘蓄泄有資詳水誌

神算如探岳瀆經苦心應補河渠志中渟流駛去淤
多旁突路窮循軌利事異揚焉砥柱鐫功高蘇軾黃
樓記豈須馬壁爲沉淵早叶魚圖來告瑞春水常平
竹箭流秋風自靜魚龍氣信是

宸遊總爲民永圖樂利普江濱雖當涉水登山處仍
是衣宵食盱身豈無樂事供

遊矚

詔書屢戒繁華俗已歇春臺戲鼓聲還禁午夜燈船

欄豈無景物入

吟篇

手救先除粉飾妍
本色丹青是花柳
天然錦繡在林泉

愜情只有民情好
雀躍鳧趨紛滿道
襪衣耕雨荷鋤
人蒜髮垂霜扶杖老
簇簇排連如堵牆
有時擁馬不成行
小民那識途應避
只要前來近

帝光鹿裘鶴
筆雙垂白更有香山圖
裏客新署宮衙

映鬢毛特分榜藥榮鬢亂老嫗婆娑

鳳輦邊歸添笑語夜喧闌四向

大安輿畔見

慈容還似十年前別有經壇虔祝嘏鐘魚佛事聯香
社法筵妙髮梵雲飛禪室曼陀花雨灑葑屋何知禮
至尊也書

萬歲供當門緯蕭簾外排香案風味依稀老瓦盆

回鑾不用開馳道兼向運河籌轉漕正是南風五兩

輕德州計日吹帆到陸營
近甸記郵籤節候清和氣
未炎莫道北來無勝賞
雙歧瑞麥埒車幘去日雪痕
猶在地歸時柳色霏空翠
共知

澤溥路三千豈爲閩增春百二

臨幸恩真到處覃

屬車塵下拜驂驛斗牛躔
總祥光映江海波成解澤
涵典繼虞巡書熒盛歌同夏
諺樂逾湛布和會兆三
登穀降福兼收入暨蠶畢
雨民星長向北薰風

帝軫故從南遙聞于為歌聲裏又望

鈞陳發

王驂

聖駕四巡江浙詩

謹序

褚廷璋

欽惟

皇帝陛下首出邁古道德太平如天之覆廣聽博眎

粵惟吳越星紀之宅扇慕翹誠

帝眷滋至迺以三十年春正月四舉南

巡之典恭奉

聖母安輿啟行上以紹

聖祖西歲時巡之鴻規下以慰南服黎元三年之懷
思匪居匪康爲天牧人

車駕所臨日月清照凡在血氣尊親之倫扶老攜子

忭蹈厥角順德協應氤氲葳蕤焚香祈祝感動

天地休乎哉登平之盛觀匝洽之隆會已所竊

惟古者虞舜巡岳以五載夏殷因之周迺以十

二年不常厥期要惟所無逸者清問愈勤念民
依者煦嫺倍切夫以重熙累仁之民得仰觀穆
穆之

清光被非常之渥澤三度于茲懷舊

德則感深企新

恩則望迫延頸舉踵夙夜以冀而或數拘常典習祥

不行

天心仁愛烏平能已用是敬承

慈豫俯對輿情減儀衛却供頓測卒豐饗丞徒益緝
儲少府之泉留神倉之粟優禮國老廣厲學宮
訓練戎行旁求俊乂百度具舉美不勝紀矧彼
大野之瀕巨壑之漚襟揚帶徐水土互競上厯
睿慮久規萬全茲復踵成前功永慶後効平成底績
嘉祥茂臻紹哀對之文敷斂時之福譬晴曦之
建行如喬露之均潤于斯時也百禮胙飾萬樂
殷陳洪厖之化上暢下泝求寧求莫歲事益虔

嘉頌之陳允宜

今日臣職廁詞館輒忘固陋謹撰七言古詩一篇

冀以宣

上德意風諭衆庶其詞曰

歲逢端蒙留孰兼

仁皇是歲嘗巡南撓甲一周澤滅涵維

皇建極聲教漸必世浹仁媿昊炎迨遙吳越歸包函
三駕之後思慕含有若飢渴期屬曆走顛疆吏章奏

緘

帝許四幸酬依瞻孟陬初言將整轡

天宗待祈昭事嚴獻春用辛燎火結上元應候圓銀
蟾隔宵節物傳黃柑厥明夙駕旌旂繆減從先事

丹詔銜導行禮頓停鞍鞞于時閭闔升曉暹蒼龍在
旂交角響雞翹豹尾紛垂彡玉鑲金鈿有驕驪屬車
齊軌聲軼軼

璇宮載啟嘉慶覃凝禧集嘏升恒參更扶

安輦行間閣琉璃河上初程占宜燈宜月蘭宴霑燕
南趙北連冰潭

恩光一照明鑑奩

帝歌臣賡音颯颯

幔城旌幄恒儀譜

躬示簡約寧黎黔黜華祛縹爲俗砭子來增築周步
欄水衡給帑倍萬添儲侍勿教煩牧監大東迤邐龜
蒙奮岱峯遠影碧雲巉麥苗出土方赫赫雪羹幾度

飄髣髴時風吹吹時雨霰千野有廩田有糝

翠華一過飛和甘造舟告且艫與舳烝徒優給謹賜
險戎行負羽趨趨趨載益之饜盈石甌充揚接壤傳
郵籤淮黃埽工畚及鑿廣開清口洩消泮節宣尺寸
爲發凡夙稟

睿畧能通潛諸流受治惠則馭下河連歲希漫滄九
莖雙穗交稔穰汗邪車滿人攜鎌長腰炊香溢金鬻
芝穀爲餽麩爲飴昔時沮泆濁泛泚茲來蓋藏盈屋

苦頌聲遍野詞喃喃廣陵南控浮玉尖妙高

題榜輝山廩梁溪一道通澆澆竹爐韻事留僧庵平
江巨麗近可探八門三館爭坻坻瀑流千尺落水簾
空濛香雪浮兩崦遂屆海國

觀波恬靈潮遠來逾赭龕南疊山翠張重韞北疊窪
下羅蠓蚱有邑枕之倉號鹽一塘如綫其力織

帝昔決策增薪兼金隄保障如層岳

六龍再莅奏澶涘三成坦石重加剡澤居從此無危

陸河海先後安淡鹹越裳所誦夫何慙武陵移

罕春閨酣鶯峯龍井泉會瀲琴筑戛戛穿松杉明湖
萬頃涵芳薄夾隄楊柳搖珍珍連番花信蒸醅醴長
紅亂紫光隱帘采桑陌上催八或采茗苻持都監
紛綸萬姓交訣穢頂香稽首欣以飲謳塗舞巷夾轡
鞞傾陽葵藿忘自嫌我

皇咨省勤民暑諏程非爲山水淹

法仗計日旋彤幃白門遙指高巖巖

清問所到

恩均沾蠲租貸賦拜

賜僉或什以五什以三或更盡免民樂湛衢尊共酌
醲且醴太平村落增農談頌白在路弛負擔有來扶
杖黃髮彭迎

鑿志喜先優瞻更有國老希彭聃

命晉宮傅光禴禘錫類到爾孫爾男江東文學逾鄒
鄰近

光奏賦羅青衫

臨軒授簡羣雅堪竟廁仕籀簪朝簪賢官子弟書侯
蟬成均廣勵學用耽南邦之美笑蕩籥名材遍植兼
榘楠作人雅化中貫譚弊計羣吏遵六廉

賜爵一級仍賁縑恤刑有

詔金雞鴝曰赦薄罪寬欽鉗更展羣祀昭燔爛百靈
瀆鎮清晏規因時纘武陳戈鏃

簡閱重習鞞與鈴

觀風之暇翰墨拈蒼珉素簡爭磨嵌遶護時有祥雲
曇以天下養虔饋盦江魚初肥山筍甜途經徐土湖
染藍微山一帶吞濃嵐春汛拍拍天影黏荆橋百竇
通衍谿

玉趾親歷觀茅簷鼓菱積葑俱就芟水田露美禾稭
稭迺

命迺

蹕張雲帆太和翔洽神人誠

霄旰求治猶勞謙東海致鯨西致鷄問道不數崆峒
嗾何況禪云與禮滸小臣榮遇職握槩矢音竊愧言
德懋願述

聖德歌登咸

皇上六旬萬壽恭紀

錢載

乾隆三十五年龍集庚寅秋八月恭遇

皇上六旬萬壽大慶之辰天地嘉暢民物和樂于以

承

慈寧歡綏子孫福錫類推恩謙沖彌至臣仰瞻

盛際力誦

聖德極知不能形容萬一謹仿太上黃庭內景經撰

七言古詩一章一千二百二十言拜手稽首以

進臣無任懼忭無任惶悚其詞曰

聖心格

天敷華臻

天心祐

聖福祿中行健自強乾德安四德時措長以仁一中
執之萬化根壽民壽國

皇自敦

帝謂從斯彌億年斂更於庚引達寅任成萬物壽星
躔政平多輝皎月圓六甲初周循如環

九重繁祉以介焉惟

皇事

天夙夜敬總我地維握天鏡奉若天道祈永命是以

嚮福休徵應天之視聽民視聽四方之極履中正綱
之紀之太阿柄敬之敬之

列祖聖天下全盛

德祚盛如南山壽天保定

一人慶惟萬邦慶

勤家天下爲一家

家法有常

德訓加傳導之義勉研摩自家而推周四遐

聽政隨所卽正衙體元息息吹琯葭日播

堯勲與

舜華九功敘兮九敘歌如天如地羣生嘉如萬佛讚
優曇花我

皇孝德繩

崇徽我

皇孝德承

慈闈

春暉日永娛

天暉四時春在天香馥

勅天惟時亦惟幾吉者百福之所歸懸璧連貝拱太
微

六龍時乘耀龍旂禮曰國肥先家肥先知稼穡則知
依

省方觀民澤宣暢我民望澤引領望

鑿輿春從紫霄上翊

大安輿蒞仙仗與物爲春且暮嚮大哉

至孝近乎王至哉能以天下養惟

皇巡典光有虞

紹衣載至于留都

視邊講武歲二驅賢爲駟兮道爲輿岱宗

孔林少皞墟更秩崧高佇中區防河捍海越復吳秣

陵之山錢塘湖皆奉

慈顏時

起居愛日怡怡又愉愉衢皆康衢皆福衢所過便蕃
賜出租教民務本奢費除吏察士選樂只且川巖映
發

仙毫紆我

皇文洽天人文

聖文有萬統聖真說經評史誤則刊寘超博奧諸儒
倫書聖畫禪衆妙門胥萬物源造化源

乙夜之勤修政勤規矩誠設繩墨陳

親行承祀必嚴禋精氣所感百靈賓保我本支庸展
親

壽愷令德世彌淳八旗舊俗其樸淳九州萬國其豐
殷財成輔相左右民炎之如日威如神函之如海養
如春心心及民運掌均惟臣哉鄰鄰哉臣思賢若渴
庶政分謹小慎微政體純惟

皇心切文輒宣

聖性聖情見

睿篇事事物物時時然豈惟

文德光迪

前守文難兼創業難西北日邊東南徼金川旣平

武功劭準部回部輻輳効關一萬里應呼召三碑巍
立

先師廟迺征南蠻靖南詔籲我解圍獲醜告無私覆
載無私照先幾之籌

親總要惟

皇勞心三才理勞心丕鞏太平址禮樂政刑旣勤止
萬化之原徹表裏嚴恭寅畏一其揆是以

天申集繁祉卿雲糾縵啟

玉宸來歲重光歲在辛

聖母萬壽躋八旬

慈蔭萬寓咸春溫元日普

賜田租恩算緡幾三千萬緡

聖壽

慈壽歲慶頻藏富荅

天惠元元丙寅丙戌兩優蠲溥天慶似康熙間今年
廣被尤滋繁元會

太和列慶筵

特詔入殿蓬萊班喜起舞進瑞雪紛作人開科雅化
先皆在郊椒如鳳麟時雨山川其出雲

畿南春多水泉香

安福艦穩行中央恭奉

安輿日舒長玉燭維調

寶命昌二淀神護靈飈揚縟林芳兮馥淵芳析津士
民江浙商閩人偕來祝公堂

鑾回紀慶盈珠囊

御園槐綠薰風涼羣臣願上

萬年觴我

皇至德謙尊光却而弗許

詔至再節其繁文物力愛惟諸臣心靖共逮荅

天

祖貺誼斯在恭惟來歲迓

慈禧福祿萬年登期頤溥天慶洽歌南陔

舞綵臚歡闐闐開

聖壽天齊祝方來且勿叩請虔今茲大哉我

皇孝治原溥天慶洽慶

昌辰嘉辰泰辰

初度辰剛健輝光